
Paul V, Pope of Rome. Bullae Papae Paul V: Romanum decet Pontificem..... dated August 1605.

- In: Laerzio Cherubini, Angelo Maria Cherubino. Magnum bullarium romanum, a Clemente VII vsque ad Gregorium XV. P. Borde, L. Arnaud & C.I. Rigaud, Lyon, 1655, vol.3, p.174-179

Indulta & priuilegia pro Conclauistis postremo-
rum Conclauium, in quorum primo, Leo XI.
& in secundo hic Pontifex pronunciatus fuit.

Similes

Similes gratias quisque Pontifex largiri solet, sed hanc dumtaxat & aliam Clementis VIII. bullam 16. Aequitati, ponendas duxi, quoniam cum haec gratia personales sint, antiquiores, haec tempora non multum excedere poterunt.

Priuilegia Conclauistarum qui interfuerunt Conclauibus, in quibus ad summi Apostolatus apicem euecti fuerunt Greg. XV. & S. D. N. Vrban. VIII. habes in d. Greg. const. 1. Romanus inf. to. 4. & S. D. N. Urb. VIII. const. 1. Circumspecta d. tom. 4.

Idem A. D. 1605. P A V L V S E P I S C O P V S Seruus seruatorum Dei. Ad perpetuam rei memoriam.

Romanum decet Pontificem, vt erga personas de se ac Sede Apostolica benemeritas se munificum exhibeat & liberalem easque ad altiores honorum gradus euehat & attollat, quas amplioribus obsequiis, & meritis decoratas agnoscat.

§. 1. Hinc est, quod nos volentes dilectos filios infra-scriptos Conclauistas, qui in Conclauibus in quo diuina fauente clementia ad summi Apostolatus apicem assumpti fuimus, nobis, & Fratribus nostris S. R. E. Cardinalibus vt familiares continui commensales inseruiendo interfuerunt, eosque qui laborum & incommodorum participes fuerunt, amplioribus etiam honorum praerogatiuis pro cuiusque merito condecorare.

§. 2. Ipsosque Conclauistas & eorum singulos ab omnibus & singulis excommunicationis, suspensionis & interdicti, aliisque Ecclesiasticis sententiis, censuris & poenis a iure vel ab homine quauis occasione vel causa latis, si quibus quomodolibet innodati existunt, etiam si in illis per annum continuum inorduerint ad effectum praesentium dumtaxat consequendum harum serie absoluentes & absolutos fore censentes. Motu proprio non ad ipsorum Conclauistarum, vel aliorum pro eis nobis super hoc oblatae petitionis instantiam, sed de nostra mera liberalitate, deque Apostolicae potestatis plenitudine eisdem Conclauistis tot loca Montium tunc vacantia, seu vacatura, vsque ad summam decem millium scutorum auri in auro per tres ex praedictis Cardinalibus singulos in quolibet ordine antiquiores, inter ipsos Conclauistas & per capita singulorum Conclauistarum, non autem singulas cellulas aequis portionibus distribuenda, gratiose & irreuocabiliter Apost. auctoritate tenore praesentium donamus.

§. 3. Ipsosque Conclauistas in veros, indubitatos & non fictos familiares, continuos commensales nostros, ac eos qui ex illis clerici existunt, seu militiae clericali adscribi desiderant, quosque tres huiusmodi Cardinales, gradu, nobilitate & aliis meritis dignos tali dignitate iudicauerint, in nostros & Apostolicae Sedis Notarios, sine tamen praerudicio dilectorum filiorum Notariorum de numero participantium recipimus, ac tam illos quam alios Conclauistas singulos, qui sigillatim ab eisdem tribus Cardinalibus digni tali honore approbati fuerint, sacri Palatii & Aulae Lateranen. Comites & Milites, ac tam illos quam omnes, & quoscumque alios Conclauistas indistincte, qui nobiles non sunt, nobiles, quique Urbis, vel alicuius alterius ex Ciuitatibus temporali dominio, & dictae Romanae Ecclesiae mediate vel immediate subiectis, Ciues esse voluerint, singulos in ea ipsa Ciuitate, quam sigillatim quisque eorum elegerit, & ad quam ab eisdem Cardinalibus se admitti petierit, veros Ciues ad instar, & nulla prorsus differentia inter eos & singulos alios veros originarios, & antiquissimos etiam nobiles & participantes Ciues ipsius Urbis, vel Ciuitatis, ita ut ipsi in ius ciuitatis ad quoscumque illorum haeredes eodem modo transeat, creamus, constituimus & assignamus, ac nobilitatis & Ciuitatis titulo, honore & insignibus decoramus, aliorumque familiarium, continuorum commensalium nobis actu in Palatio nostro Apostolico seruientium, & illius tinello comedentium & bibentium, ac nostrorum, & Sedis praefatae Notariorum, Palatiique & Aulae praedictorum Comitum, Militum & Nobilium, ac Ciuium huiusmodi originarios numero & conforcio fauorabiliter aggregamus, ac pro veris, indubitatis ac non fictis fami-

liaribus, continuis commensalibus, ac Notariis nostris, Comitibusque Militibus, Nobilibusque ac Ciuibus deinceps haberi & reputari volumus ac mandamus. Eisque vt in quibuscumque impetrationibus, concessionibus & literis tam gratiam quam iustitiam concernentibus se familiares, continuos commensales nostros & Comites, Milites nobiles, ac Ciues etiam originarios nominare, nec propterea impetrationes, concessionibus & literarum ipsarum subreptionis vitio subiaceant, sed validae & efficaces existant. Necnon ex nunc deinceps in perpetuum omnibus & quibuscumque ac prorsus similibus antelationibus antelationum praerogatiuis, priuilegiis, libertatibus, immunitatibus, exemptionibus, decretis, declarationibus, derogationibus, mandatis, suspensionibus, fauoribus, gratiis, priuilegiis, indultis ac iuribus, quibus alij nostri familiares tempore dictae assumptionis nostrae ad summum Apostolatus apicem ac quibus alij eiusdem Sedis Notarij, etiam de numero participantium existentes, etiam si habitum & Rochettum Notariorum ipsius Sedis non deferant, Palatiique & Aulae praedictorum Comites & Milites & Nobiles, necnon etiam originarij & antiquissimi Ciues eiusdem Urbis vel Ciuitatis, quam vt praefertur elegerint, quicumque ex utroque parente vere nobili & Ciue originario & antiquissimo procreati de iure, statuto, consuetudine vel alias ex aliquo speciali priuilegio, seu alias quomodolibet etiam quo ad assecutionem quorumcumque beneficiorum etiam Ecclesiasticorum, etiam per quascumque literas, seu Constitutiones Apost. pro tempore editas, vtuntur, fruuntur, potiuntur & gaudent, ac vti, frui, potiri & gaudere poterunt quomodolibet in futurum, vbique locorum in iudicio extra, sine tamen eorumdem Notariorum de numero participantium praerudicio vti, frui, potiri & gaudere libere & licite valeant realiter & integre in omnibus & per omnia, etiam si in Vrbe & Ciuitate huiusmodi non habitauerint, perinde ac si vere nobili genere ex utroque parente nobili originario & antiquissimo Ciue procreati forent, & huiusmodi praerogatiuis, priuilegia, exemptiones, gratiae, fauores, concessionibus, indulta & iura, quae pro aliis nobilibus & ciuibus originariis emanarunt, & quae ratione nobilitatis & ciuitatis naturalis & originariae aliis competunt, pro eisdem Conclauistis in specie emanassent seu emanarent, & eis naturaliter de iure, statuto, consuetudine, fundatione vel alias competere, auctoritate & tenore similibus indulgemus.

§. 4. Ipsisque Conclauistis singulis quoscumque fructus, redditus & proventus Ecclesiasticos, ac tam occasione pensionum annuarum ipsis vel eorum alicui reseruatarum ratione omissionis recitationis horarum Canoniarum indebite perceptos cuiuscumque quantitatis fuerint, gratiose remittimus & condonamus, ac cum eis super inhabilitate per eos propterea quomodolibet contracta, vel etiam ex eo quod censuris huiusmodi ligati missas & alia diuina officia, non tamen in contemptum clauium celebrauerint, aut alias diuinis se immiscuerint, vt illa & aliis praemissis non obstant. ad omnes, etiam sacros & presbyteratus ordines alias rite promoueri, & in illis ac in ministerio ministrare, etiam libere & licite valeant dispensamus.

§. 5. Necnon eosdem Conclauistas si qui eorum defectum Natalium ex quocumque damnato & illicito coitu, etiam si ex nobilissimis parentibus, & vilibus feminis forsitan procreati sint, etiam si legitimi alias existant, legitimamus, omnemque ab illis geniturae huiusmodi maculam, siue notam abstergimus & abolemus, ac Natalibus restituimus. Necnon cum eorum singulis, vt in quibuscumque bonis paternis & maternis, & aliorum consanguineorum seu cognatorum vel aliorum quorumcumque sine tamen praerudicio venientium ab intestato vel ex fideicommissio, seu alias de iure valida dispositione, succedere, & illa donationis vel alio quouis titulo consequi & habere, ac ad aequales portiones cum legitimis succedere eos ad omnia iura, legitimas successiones, ex testamento vel ab intestato haereditates, legata, libertates restituendo & reintegrando realiter & cum effecta necnon ad dignitates, honores & quaecumque alia, officia secularia publica vel priuata, etiam assumi, illaque

Remissio fructuum male perceptorum ob non recitationem horarum canonicarum.

Legitimitas Conclauistarum, & habitatio ad successiones, honores & dignitates.

gerere & exercere in omnibus & per omnia, ac si de legitimo matrimonio procreati forent, ac eodem defectu non obstante, si aliud Canonicum eis non obsistat, ut clericali caractere, qui illo nondum insigniti sunt insigniri ac ad omnes etiam sacros & presbyteratus ordines, si nondum ad illos promoti sunt promoueri, ac postmodum caractere & ordinibus huiusmodi, illorumque priuilegiis uti, ac in eisdem ordinibus, etiam in altaris ministerio ministrare, necnon quæcumque & qualiacumque cum cura & sine cura beneficia Ecclesiastica, etiam si personatus, administrationes & officia, etiam curata & electiua in Cathedralibus & Metropolitanis vel Collegiatis Ecclesiis, seu parochiales Ecclesiæ, vel earum perpetuæ Vicariæ, ac Canonicatus & præbendæ, necnon dignitates, non tamen principales in Collegiatis Ecclesiis huiusmodi fuerint, si sibi alias canonicè conferantur, aut ipsi eligantur, præsententur vel alias assumantur ad illa & instituantur in eisdem, recipere & retinere libere & licite valeant.

*Applicatio
quorundam
beneficiorum
Sede vacante
vacatorum,
prædictis Con-
clauistis.*

§. 6. Necnon omnia & quæcumque beneficia Ecclesiastica cum cura & sine cura secularia & quorumuis Ordinum regularia, in quibusuis Ciuitatibus, Diocæsiibus & locis quorumcumque Regnorum, Prouinciarum & Dominiorum ac Insularum, & alias vbilibet consistentia, & ad quorumcumque collatorum secularium & quorumuis Ordinum regularium collationem, prouisionem, electionem, præsentationem seu quamuis aliam dispositionem pertinentia, etiam si secularia, Canonicatus & præbendæ, dignitates etiam maiores, principales personatus, administrationes & officia etiam curata & electiua in Cathedralibus etiam Metropolitan. parochialibus vel aliis Ecclesiis, ac præstimonialia seu præstimonialia portiones, & perpetua ac simplicia, etiam seruitoria beneficia Ecclesiastica, non tamen parochiales Ecclesiæ, vel earum perpetuæ Vicariæ, ita tamen ut si super illarum fructibus, redditibus & prouentibus pensiones aliquæ imponantur, in fauorem Conclauistarum, & non aliorum reseruari debeant, regularia vero Prioratus, præposituræ, præpositatus, præceptoræ, dignitates, non tamen conuentuales, personatus, administrationes vel officia non tamen claustralia ac curata & electiua, aut loca & canonicales portiones in Ecclesiis Cathedralibus, etiam Metropolitanis, vel aliis aut Monasteriis seu aliis locis regularibus aut alia beneficia fuerint, quæ vacante Sede prædicta vacabant, & vsque ad diem assumptionis nostræ ad Pontificatum vacauerunt, etiam si dispositioni Apostolicæ specialiter vel etiam ratione mensium in quibus vacauerint aut vacationis illorum apud Sedem prædictam aut familiaritatis nostræ seu Prædecessorum nostrorum aut quorumuis S.R.E. Cardinalium defunctorum, aut etiam ad Ecclesiæ militantis regiminis assumptionem, etiam si ex personis Sedis prædictæ Notariorum collectorum vel aliorum Officialium, aut etiam dictorum Cardinalium seu alias ex quacumque reseruacione, etiam de necessitate & dispositiue exprimenda generaliter reseruata, & affecta existant, & eidem dispositioni Apostolicæ non reseruata nec affecta, annum tamen valorem Ducentorum Ducatorum aut de Camera non excedentia, & de quibus Ordinarij collatores tempore assumptionis nostræ huiusmodi nullo modo vel nulliter, & de facto disposuerunt, inter ipsos Conclauistas, aliasue personas ab eisdem Conclauistis seu per illos deputatis nominant, & non alias distribuenda, iuxta prouidam distributionem & diuisionem per deputatos à Conclauistis huiusmodi faciendam, ea ratione habita, ut beneficia ipsa idoneis Conclauistis conferantur, si habiles reperiantur, qui tunc in omnibus beneficiis huiusmodi quibuscumque aliis non Conclauistis præferantur, quod si Conclauistæ idonei ad eadem beneficia obtinenda defuerint seu illa acceptare noluerint, tunc pensiones annuæ super fructibus, redditibus & prouentibus, ac etiam distributionibus quotidianis, aliisque rebus & iuribus, & etiam incertis beneficiorum huiusmodi quæ eas supportare poterunt, Conclauistis omnino reseruentur auctoritate, & tenore similibus præcipimus & mandamus.

*Annulatio
Collationum
in alios facta-
rum, &c.*

§. 7. Decernentes quascumque prouisiones, collationes, commendas, vniones, annexiones, & incorporationes, aliasque dispositiones de ipsis beneficiis ut præferatur, vel alias vacantibus aut pensiones super fructibus

beneficiorum huiusmodi seu fructuum, reddituum & prouentuum ipsorum vel illorum partis reseruaciones per quoscumque quauis auctoritate aut etiam per nos & Sedem eandem etiam motu simili & certa scientia nostra, deque Apost. potestatis plenitudine ac consistorialiter in aliorum quam eorundem Conclauistarum vel personarum ab eisdem Conclauistis nominandarum coniunctim factas & faciendas, nullas & inualidas nulliusque roboris & momenti, ac præter & contra mentem nostram concessas fuisse & esse, nec alicui seu aliquibus, etiam si Cardinales fuerint, de dictis beneficiis vacantibus per nos sub præfenti gratia comprehensis in præiudicium dictorum Conclauistarum, quauis etiam Apost. vel Ordinaria, aut quacumque alia auctoritate prouideri, vel alias quomodolibet disponi de illis potuisse neque posse, nec collationes, prouisiones, commendas aut alias dispositiones de illis aliter factas, cuiquam nullatenus suffragari debuisse neque debere, nullumque illis etiam si dispositioni Apost. affecta aut reseruata antea non essent, dummodo de illis per collatores prædictos tempore dictæ assumptionis nostræ legitime prouisum non fuerit, post id temporis quouis prætextu disponere potuisse neque posse, ac de illis prouisis ius in vel ad illa quæsitum & sic per præfentes ablatum non fuisse nec esse, neque regulæ nostræ de non tollendo iure quæsito locum fuisse dici aut censerì posse.

§. 8. Quodque omnes & quæcumque gratiæ, prouisiones, commendæ & quæuis aliæ literæ Apost. ac etiam in forma breuis pro illis expediendis, gratis vbique expediantur, tam de capienda possessione nomine Camera Apost. quam in fauorem literarum Apostolicarum, ubi illis super prouisionibus quorumcumque beneficiorum Ecclesiasticorum dari poterunt, prout nostris familiaribus, continuis commensalibus etiam gratis dentur & concedantur, ac dari & concedi omnino debeant, etiam præcipimus & mandamus.

*Expeditis li-
terarum Apost.
pro eisdem
gratis fiat.*

§. 9. Necnon Conclauistis & eorum singulis, ut quicumque loci ordinarij vel Canonici Metropolitan. seu aliarum Ecclesiarum aut personæ, quæcumque Ecclesiasticæ, tam in Romana Curia quam extra eam ad id per eos & eorum singulos eligendi seu eligendæ, quascumque pensiones annuas, eis & eorum singulis super quibuscumque fructibus, redditibus & prouentibus quorumcumque beneficiorum Ecclesiasticorum cum cura & sine cura Secularium & quorumuis Ordinum regularium, seu fructus, redditus & prouentus huiusmodi beneficiorum reseruatos, vsque ad summam centum ducatorum similibus in toto vel in parte, ac etiam in mortis articulo cassare & extinguere ac postquam cassatæ fuerint, alias similes pensiones annuas, seu fructus, redditus & prouentus huiusmodi vsque ad summam prædictam vni vel pluribus aliis personis Ecclesiasticis per eosdem Conclauistas, & eorum singulos nominandis, etiam quæcumque quocumque & qualiacumque beneficia Ecclesiastica obtinentibus, & expectantibus similiter eis quoad vixerint, vel eorum Procuratoribus legitimis eisdem modo & forma, quibus eisdem Conclauistis reseruata seu reseruati fuerint, etiam absque beneficiis ipsa obtinentium cōsensu integre persoluendas, aut per eos propria auctoritate percipiendos, exigendos & leuandos reseruare, constituere, concedere & assignare valeant, etiam concedimus & indulgemus, Decernentes ipsas translationes & nouas reseruaciones, constitutiones & assignationes pensionum seu fructuum & reddituum, prouentuum huiusmodi plenam roboris firmitatē obtinere, ipsosque beneficia super quorum fructibus, redditibus & prouentibus reseruata fuerint obtinentes ad illas persoluendas efficaciter obligatos fore. Necnon cum eisdem Conclauistis, quod ratione quarumcumque pensionum eis & eorum cuiuslibet super quibuscumque beneficiis Ecclesiasticis, ut præfertur, vel alias quomodolibet qualificatis, non tamen ultra summam ducentorum ducatorum partium pro quolibet nunc & pro tempore reseruatarum & reseruandarum, habitum & tonsuram clericales gestare, & in illis dummodo alias ipsi habitum decentem & honestum deferant, incedere minime debeant, nec ad id à quoquam desuper cogi seu compelli, minusque aliquas sententias, censuras, & etiam priuationis seu cessationis ipsarum pensionum

*Indulgentiam
claustrarum
circa pen-
siones.*

penas occasione Præmissorum incurrere possint, sed easdem pensiones ad prædictam summam ducentorum ducatorum ascendentes, & reseruata, vt præfertur, etiam si matrimonium contraxerint cum vnicâ tamen & virgine retinere.

Spoliaque.

§. 10. Postremo quod bona quæcumque ad dictos Conclauistas & eorum quemlibet spectantia, & per eos etiam ratione quorūcumque; beneficiorum Ecclesiasticorum per eos alias obtentorum & obtinendorum, aut alias quomodolibet & quouis quæsito colore vel ingenio seu eorum industria licite tamen acquisita & acquirenda, & in Vrbe eiusque districtu ac vbique existentia, spoliis minime subiaceant, sed Conclauistæ prædicti etiam si Religionis alicuius Militiæ etiam S. Ioannis Hierosolymitani adscripti fuerint, de illis in fauorem quarumcumque personarum etiam si Curiales esse desierint, & in quocumque loco quantumuis remoto eos decedere contigerit, testari & alias disponere, iisque ab intestato decedentibus legitimi eorum hæredes quicumque succedere libere & licite valeant simili modo concedimus & indulgemus.

Executorum deputatio.

§. 11. Præcipientes ac mandantes dilectis filiis nunc & pro tempore existentibus S. R. E. Camerario & Thesaurario, Præsentibus Clericis Camere nostræ Apost. & quibusuis aliis spoliatorum huiusmodi Collectoribus & Subcollectoribus necnon Militiarum prædictarum Officialibus aut procuratoribus, ne in huiusmodi bona manus apponant, neque hæredes prædictorum Conclauistarum desuper molestare audeant seu præsumant, ac etiam decernentes donationes etiam per viam testamenti, & codicillorum per ipsos Conclauistas de eorum bonis huiusmodi semper & perpetuo validas & efficaces existere.

Registratio in Camera remittitur.

§. 12. Nec eosdem Conclauistas eorumue aliquem ad præsentem literas in dicta Camera insinuandum aut admitti & registrari petendum teneri, nec illas etiam si intra tempus legitimum insinuatæ, admittæ seu registratæ non fuerint propterea minus validas censeri, sed suos plenarios effectus sortiri debere.

Clausula præsentium.

§. 13. Ac easdem præsentem & in eis contenta quæcumque sub quibusuis reuocationibus, suspensionibus, limitationibus modificationibus, decretis & constitutionibus Apostolicis, gratiarum reuocatoriis vel quæ eas limitarent vel moderarent, quæ à nobis & dicta Sede pro tempore, & ex quibusuis causis etiam vrgentissimis etiam in fauorem fidei & diuini cultus augmētum, etiam Consistorialiter vel alias quauis auctoritate hæctenus vel in posterum emanauerint minime comprehensas esse, sed quoties illæ emanabunt toties easdem præsentem in pristinum statum repositas & reintegratas esse & censeri.

Clausula Sublata.

§. 14. Sicque per quoscumque Iudices & Commissarios quauis auctoritate fungentes, sublata eis & eorum cuiuslibet, quauis aliter iudicandi & interpretandi facultate in quauis causa, & instantia iudicari, & diffiniri debere. Irritum quoque & inane quicquid secus super his, & c. ignoranter contigerit attentari.

Iussio quod Officiale gratia expediant.

§. 15. Et in super dilectis filiis Rescribendario & Computatori literarum Apostolicarum, & aliis ad quos spectat in virtute sanctæ obedientiæ, & sub pœna indignationis nostræ Motu simili mandamus vt litteras prædictas super præmissis omnibus & singulis tam coniunctim, quam diuisim, ac pro singulis, quibus concessa fuerunt, ac seorsum & separatim cum omnibus & quibuscumque derogationibus, decretis & clausulis in eis contentis, gratis de mandato nostro vbique in omnibus etiam Abbreviatorum, Sollicitatorum, Secretariorum, plumbique & Registrarij officijs absque aliqua pecuniarum exactione etiam per viam compositionis faciendâ, omni contradictione & dilatione cessantibus signent expediantque & expediri faciât.

Clausula derogatoria.

§. 16. Non obstantibus præmissis, ac de certo eorundem Notariorum numero, etiam si ad illum nõdum sit deuentû, cui per hoc alias non intendimus derogare, ac vna de inforscendentibus & altera nostris de præstando consensu in pensionibus, necnon fel. rec. Pij Papæ IV. prædecessoris nostri de similib. vel dissimilib. gratis in Camera Apostolica infra tres menses præsentandis & registrandis, necnon rec. mem. Pij Papæ V. prædecessoris nostri contra illegitimos, necnon Pictauien. Concilij & aliis Apostolicis, ac etiam in vniuersalibus, prouincialibusque Concilijs edi-

tis specialibus vel generalibus Constitutionibus & ordinationibus, necnon Ecclesiarum, Monasteriorum, Ordinum etiam S. Ioan. Hierosolym. ac etiam Urbis Romæ, & aliarum Ciuitatum, oppidorum & Terrarum, necnon Cameræ prædictæ & quarumuis vniuersitatum etiam iuramento confirmatione Apostolica vel quauis firmitate alia roboratis statutis & consuetudinibus, stabilimentis, vlibus, naturis, decretis & etiam nouis reformationibus, necnon etiam legibus tam Pontificiis quam Imperialibus, Regiis, & Ducalibus, etiam sacris Canonibus, priuilegiis quoque indultis & literis Apost. superioribus & personis ac locis quibuscumque in genere vel in specie sub quibuscumque tenoribus & formis ac cum quibusuis derogatoriis derogatoriis aliisque efficacioribus & insolitis clausulis irritantibusque & aliis decretis, etiam vim contractus & statuti perpetui continentibus, ac etiam motu, scientia & potestatis plenitudine similibus, ac etiam consistorialiter & alias in contrarium quomodolibet concessis, confirmatis & innouatis, illis præsertim quibus inter alia caueri dicitur expresse, quod beneficia Urbis, non nisi personis sub certis modo & forma inibi qualificatis, & oriundis ex certis locis, ac trium Ordinum, & militiarum expresse professis conferri, & commendari possint disponentibus. Quibus omnibus etiam si de illis eorumque totis tenoribus specialis, specifica, expressa & indiuidua, ac de verbo ad verbum non autem per clausulas generales idem importantes, mentio seu quæuis alia expressio habenda aut aliqua alia exquisita forma ad hoc seruanda foret, tenores huiusmodi acti de verbo ad verbum nihil penitus omisso, & forma in illis tradita obseruata inserti forent, præsentibus pro expressis habentes, illis alias in suo robore permansuris, hac vice dumtaxat, harum serie specialiter & expresse derogamus ceterisque contrariis quibuscumque. Aut si aliquibus communiter aut diuisim ab eadem sit Sede indultum, quod interdici, suspendi vel excommunicari non possint per litteras Apostolicas, & c. mentionem.

§. 17. Volumus autem quod Conclauistæ, qui in Conclauio in quo præ mem. LEO PP. XI. similiter Prædecessor noster, ad summi Apostolatus apicem assumptus fuit, in præsentem gratia, non tamen quo ad prouisionem beneficiorum, & distributionem decem millium scutorum huiusmodi comprehendantur, perinde ac si illis hæc omnia concessa fuissent, prout illis omnibus & singulis pariformiter ac principaliter concedimus & impartimur.

Indultorum concessio pro Conclauistis primi Conclauis.

§. 18. Volumus etiam quod præsentium transumptis, etiam impressis, & sigillo ac manu alicuius personæ in dignitate Ecclesiastica constitutæ munitis & subscriptis, eadem fides tam in iudicio quam extra adhibeatur, quæ ipsis originalibus adhiberetur si forent exhibitæ vel ostensæ.

Transumptorum fides.

Nomina autem Conclauistarum, qui in vtroque Conclauio huiusmodi interfuerunt, sunt hæc, videlicet.

Venerabilis Frater noster Angelus Episcopus Tagastensis Sacrista, necnon dilecti filij Paulus Alaleo, Guido Ascanius Præuostus, Io. Paulus Mucantius Magistri Ceremoniarum, Mutius Riccerius Clericus Camericensis, Secretarius Collegij, Robertus Vbaldinus Clericus Florentinus, Petrus Iacobus Cima Clericus Auximansis, Dioc. ipsius Leonis Prædecessoris dum Cardinalatus honore fungebatur, Petrus Pauonius Clericus Ariminesis, Marcus Antonius Tanus Clericus Flotentinus. nostri etiam dum Cardinalatus honore fungebamur. Annibal Minalis Clericus Iauenensis, Frater Hospitalis S. Ioannis Hierosolymitani, Franciscus Vicedominus Clericus Comensis. Alexander Coraldinus Fulginatensis. Ptolomei Ostiensis. Comensis. Iulius Cæsar Cantauena Clericus Aftenis, Raynaldus Magnanus Clericus Sarsinat. Dominici Portuens. Pinelli. Scipio Cobellutius Clericus Viterbien. Alexander Benreceptus Presbyter Mantuanus. Hieronymi Albanensis. Asculanus. Petrus Pocchier, Ludouicus etiam Pocchier Paulus Castellus Clerici Tholosanus, Francisci Sabinesis, de Gioiosa, Octavius Mancinus Clericus Romanus, Io. Baptista Rezzanus Presbyter Veronensis. Augustini Valerij Prænestini de Verona. Iulius Bellus Clericus Iustinopolitanus, Franciscus Mansius Clericus Amerinensis Dioc. Marcus Antonius Carretus

Nomina Conclauistarum.

Carretus Presbyter Albingan Dioc. Antonij Mariæ Tufculani Venerabilium Fratrum nostrorum Episcoporum Galli. Horatius Syluestrius Presbyter Verulan. Hector Octonus Clericus Camerinen Dioc. Antonij S. Mariæ Transiberim Saulij, Marcus Antonius de Magistris Clericus S. Seuerini, Iacobus Dunus Clericus Nouarien Miles Militiæ Sancti Lazari. Euangelistæ S. Laurentij in Lucina de Cusentia. Lælius Carlucius Clericus Ciuitatis Ducalis, Felix Perficus Clericus Spoletan, Martinus Fabrius Clericus Gebenne. Mariani Perbendicti Sanctorum Marcellini & Petri de Camerino. Aurelius Adrianus Clericus Montis Alti, Honoratus Lauerfanus Presbyter Fundan. Constantinus Naimolus Presbyter Campanien. Gregorij S. Augustini de Montelparo. Torquatus Lofcus Clericus Vicenti, Ioan. Baptista Cusinus Clericus Mutinen. Pauli. Cæcilæ Sfondrati. Nereus Dragomannus Clericus Aretin Dioc. Franciscus Bouarellus Clericus Eugubinus. Benedicti S. Priscæ Iustiniani. Pyrrhus Nurus Clericus Eugubinus, Antinorus Vbalinus laicus Pisauren, Francisci Mariæ S. Mariæ de Araceli à Monte, Octavius Garimbertus Clericus Romanus, Geminianus de Madonna Clericus Sarzane Dioc. Octauij S. Alexij Parauicini, Romulus Cerrinus Clericus Romanus, Io. Franciscus Confalonierus Clericus Recanaten Octauij S. Praxediis de Aquauia. Augustus Barbolus Presbyter Cremonen, Gaspard. Ghirellus, Bartholomæus Belluccius Clericus Mutinen. Flaminij S. Mariæ de Pace Plati. Ioan. Baptista Cantonus laicus Mediolanen, Ioannes Antonius Aliprandus Clericus Mediolanen, Hieronymus Ponzonus laicus Mediolanen. Federici S. Mariæ Angelorum Borromæi. Alexander Scappius Clericus Bononien, Hieronymus Roncallius Clericus Bononien, Antonij Sanctorum Quatuor Coronatorum Fachinetti. Laurentius Bernardinus Presbyter Lucen, Bernardinus de Lupis de Sancto Edicto Presbyter nullius Dioc. Alexander de Magistris Clericus Terracinen Dioc. Sebastianus Fortius Clericus Interamnen. Petri Sanctorum Io. & Pauli Aldobrandini. Franciscus Leonellus Clericus Forosempronien, Dominicus Roncius laicus Sutrin Dioc. Cynthij S. Petri ad Vincula S. Georgij. Lucas Antonius Eustachius Clericus Troian, Nicolaus Maurus Presbyter Ripanus, Septimius Angleria Clericus Cremonen, Petrus Riccius Presbyter Romanus Alexander Ricciardus laicus Politianen Physicus, Francisci Mariæ S. Mariæ supra Mineruam Taurusij. Franciscus Caualcantes laicus Florentinus, Bartholomæus Donus Clericus Romanus. Octauij S. Sabinæ Bandini Nicolaus de Escalle Clericus Tullen, Iacobus de Forai. Annæ S. Susannæ de Giury. Reginaldus Cruolenus Clericus Clusin Dioc. Iosephus Chechius Clericus Interamnen, Clemens Ossattus Persa laicus, Cæsar Sanctorum Nerei, & Achillei Baronij. Contes Ciaia Clericus Senen, Secundus Odinus Clericus Asten. Laurentij S. Laurentij in Pane, & Perna Blanchetti. Christophorus de Triuinno Clericus Abulen, Ioannes de Almaraz Clericus Placentinus, Ferdinandus de Ribera Clericus Caucien Dioc. Francisci S. Crucis in Hierusalem Auilæ. Æmilij Florius Clericus Value Sulmone Dioc. Dominicus Carmistalij Presbyter Reaty, Bernardinus Zampa Clericus Camerinen Dioc. Francisci S. Mariæ de Populo Mantice. Nicolaus Speronus Presbyter Vintimilien. Urbanus Ceulus Pisanus, Bernardus Bassus Clericus nullius Dioc. Pompei S. Balbinæ Arrigonij, Alphonfus Sfondratus Clericus Cremonen, Ludouicus Rondinellus Clericus Imolen. Bonifacij S. Hieronymi Illycorum Beuilacque. Hieronymus Bassus Presbyter Imolen, Pompeius Andreoccius Clericus Aretin Dioc. Alphonfi S. Sixti Vicecomitis. Angelus Miraldus Clericus Nucerin Dioc. Iosephus Geggus. Clericus Spoletan Dioc. Ioannes Genius Lotharingus laicus. Dominici S. Honorij Tusci. Iacobus Oliuerius Clericus Romanus Miles Militiæ Iesu Christi, Hyppolitus Blancus Ferrariensis S. Syluestri Dietrichstein Iosephus Vignanesius Clericus Politianen, Petrus Guidoctrus Presbyter Pientin. Ludouicus Arregatius Clericus Politianen. Roberti S. Mariæ in Via Belarminij. Iacobus Moiard Presbyter Carnoten Dioc. Matthæus de Puis Clericus Parisien. Francisci Sanctorum duodecim Apostolorum de Sourdis. Ludouicus Beccatellus Cleri-

cus Bononien, Ioannes Thomas Malpicus Clericus Senogallien, Natalis Morbiolus laicus Bononien. Seraphini S. Saluatoris in Lauro Oliuarij Hieronymus Mezzamicus Presbyter Imolen, Æmilij Sperellus laicus Assisien, Dominici S. Pancratij Gymnasij. Seuerus Durinotius Clericus Sene, Hieronymus Musfranus Clericus Iustinopolitanus, Io. Mengotius Clericus Foroliuien, Marcus Antonius Mozzarellus Clericus Mutinen. Philippi S. Bartholomæi in Insula Spinelli. Rodericus Bonalde Paz Clericus Salamanti, Iosephus Perez Clericus Tirafonen. Antonij S. Matthæi in Merulana Zappara. Balduinus Massa Romanus, Iacobus Honoratus Laicus Anconitanus. Caroli S. Clementis de Comitibus. Camillus Simbaldus Clericus Auximanus, Iacobus Franciscinus de Bertinoro laicus Veronen, Benedictus Auerinus laicus Volaterra Physicus. Caroli S. Thomæ in Parione Madrutij. Ioannes de Saletta Presbyter Lascuren, Claudius Calamart Clericus Parisien. Iacobi S. Agnetis de Peron. Liuius Sala Spoletan Miles dicti Hospitalis, Augustinus Ioiosius Clericus S. Seuerini, Io. Fideretus laicus Sarzane, Innocentij S. Marcelli de Bubalis. Iacobus Benedictus Presbyter Nicosien, Iosephus Petorellus Vtinen, Franciscus Gambertus laicus Florentinus. Ioannis Sancti Marci Delfini. Urbanus Paleonus Clericus Reatin Dioc. Gaspard. Tantus Clericus Firmanus. Iacobi Sancti Stephani in Monte Cellio Sannesij. Laurentius Nicolosius Presbyter Luce, Iacobus Broccardus laicus Nicien. Herminij Sanctæ Mariæ Transpontinæ de Valentibus. Polidorus de Polidoris Vrbeuetan Miles dicti Hospitalis, Io. Nicolaus Ferronus Clericus Beneuentanus. Hieronymi Sancti Blasij de Annulo Pamphiliij. Ioannes Baptista Vulpius Presbyter Papien, Ioannes Nicolaus Righettus Presbyter Senogallien, Ferdinandi Sancti Eusebij Tabernæ. Ioannes Baptista Vbertus Presbyter Ciuitatis Castelli, Ascanius Felix à Sancto Angelo in Vado, Anselmi Sancti Petri in Monte Aureo titulorum Presbyterorum Menopolitan nuncupatorum. Tullius Cicero Clericus Comen, Cambius Artusinus Clericus Foroliuien. Francisci Sanctæ Mariæ in via lata Sfortiæ. Rogerius Tritonius Presbyter Vtinen, Plinius Bonioannes laicus Firman Dioc. Alexandri Sancti Laurentij in Damasco de Montalto. Alphonfus Carandinus Clericus Mutinen Miles Militiæ Iesu Christi, Nicolaus Bonarellus Clericus Anconitanus, Io. de Royas Clericus Toletan. Odoardi Sancti Eustachij Farnesij. Ioannes Prosper Turritanus laicus Alatinus, Crispoltus Mattheus Clericus Assisien Dioc. Bartholomæi Sanctæ Mariæ in Porticu Cesij. Petrus Franciscus Bonioannes Presbyter Firman Dioc. Iosephus Baronius laicus Montis Alti. Andreæ Sancti Angeli in foro piscium Peretti. Iosephus Fontanella Regien, Petrus Rodulphus Arlottus Clericus Regien. Nicolaus Castel Verrus Clericus Mutinen. Alexandri Sanctæ Mariæ Nouæ Estensis. Ioannes Baptista Schiaffinatus Clericus Mediolanen. Nicolaus Accursinus Clericus de Sancta Flora, Ennius Torellus Clericus Spoletan Dioc. Ioan. Baptiste Sanctæ Mariæ in Cosmedi Deti. Germanicus Fidelis Presbyter Ripan. Romalus Clarutius Clericus Montis Alti, Paulus Æmilij Petrutius Presbyter Firman. Syluestri Sancti Cæsarei Aldobrandini. Horatius Mancinus Presbyter Perusinus, Martinus Martinez de Androsal Clericus, Ioannes Baptista Spinola laicus Ianuen. Iannettini de Auria. Octavius Monefius Clericus Mutinen. Dioc. Octouianu Albinellus laicus Ferrarien. Prosper Marzanus Physicus laicus. Caroli Emanuelis Sancti Nicolai in Carcere Pij Diaconorum S. R. E. Cardinalium etiam nuncupatorum, necnon Antonius à Turre Clericus Casalen, Bernardinus Eusebius Presbyter Ipporegien, Fabius de Amicis Clericus Camerinen ho. me Francisci S. Clementis. Antonius Cicalotus Clericus Sabinen, Ioannes Natalis Clericus Sarxanen, Franciscus Perius Clericus Cornetan. Pauli Æmilij Sancti Marcelli. Hieronymus Racanus Anconitanus Miles prædicti Hospitalis, Ioannes Furnus, Ioannes Franciscus Martini Clerici Fauentin. Ciuitatis, vel Dioc. Hieronymi Sancti Petri ad Vincula similiter titulorum eiusdem S. R. E. Cardinalium defunctorum, necnon

Frater Aloysius Bononiens. Ordinis Sancti Augustini
Magister in Theologia cum dicto Angelo Episcopo,
Frater Petrus de Matre Dei Ordinis Carmelitarum Discal-
ceatorum Confessarius, Rodolphus Siluestrius, Vin-
centius Balduccius, Petrus Simon Faustus Physici, Iu-
lianus Cecchini Chirurgus, Propertius Sixtus, Gen-
tiles Gentilis Aromatarij, Bartholomæus Venturuecius,
Ludouicus Sexto Gallus, Propertius Sixtus, Benedictus
Gasparinus eorum Auditores, Ioannes Baptista Camosi-
nus Clericus Nouariens. Custos fontis, Franciscus Pe-
donius Secretarij Auditor, Iubentius de Angelis, Blasius
Zucchius Barbitonfores, Alexander Bettinius, Aristote-
les Gattai, Iulius Cæsar Rorius eorum Adiutores, An-
gelus Pezzus Cementarius, Nicolaus Varisius, Io. Vol-
fretta Fabri lignarij, Franciscus Mediolanens, Thomas
de Dohana, Iacobus Comensis, Iacobus de Voltulina,
Ioannes Recera, Andreas Schemnus, Vincentius Guar-
inus, Ioannes Sorci, Donatus Marchesolus, Ioannes Ve-
netus, Dominicus de Voltulina, Iacobus Polus, Ioannes
de Remedio, Ioannes Simonetta, Thomas Susanna,
Vincentius ad Corallum, Simon Tridentinus, Domini-
cus alias Bologna, Petrus de Petrolis, Dominicus Gutius,
Marcus Antonius Ferrus Scopatores Conclavis.

*Sanctio per-
petua.*

§. 19. Nulli ergo omnino hominum liceat hanc pagi-
nam nostræ absolutionis, donationis, receptionis, consti-
tutionis, decorationis, Aggregationis, voluntatis, man-
dati, indulgi, remissionis, condonationis, dispensationis,
legitimationis, abstersionis, abolitionis, restitutionis,
præceptionis, concessionis, derogationis, & impartitio-
nis infringere, vel ei ausu temerario contraire. Siquis
autem hoc attentare præsumpserit, indignationem Om-
nipotentis Dei, ac Beatorum Petri, & Pauli Apostolorum
eius se noverit incursum.

*Dat. P. An. 1.
die 3. Julij.* Datum Romæ apud sanctum Marcum anno Incarna-
tionis Dominicæ Millesimo sexcentesimo quinto, Pridie
Kal. Augusti. Pontificatus Nostri anno primo.